

古今名醫彙粹卷之八目錄

婦人治例集要

女科一

經病通治

薛立齋四則

李東垣二則

方約之一則

治法綱目

一篇

立齋醫案十五則

良方藥禁十一條

女科二

赤白帶

張子和一則

朱丹溪一則

薛立齋一則

醫案四則

水分血分腫

薛立齋一則

醫案三條

食癥血癥心腹痛證

婦人良方三則

案十三條

小便出血熱入血室

薛立齋一則

醫案六條

師尼寡婦室女寒熱案三條

歷節痛風

薛立齋一則

案四條

流注

薛立齋一則

案三條

瘰癧

薛立齋一則

案五條



女科三

胎前諸證

薛立齋四十二則

女科四

產後諸證

薛立齋三十則



古今名醫彙粹卷之八

新安羅 美東逸父輯

古虞席世臣鄧客氏詳校
江陰錢榮光性方氏重校

經病通治

薛新甫曰。經曰。飲食入胃。游溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。東垣謂脾為生化之源。又統諸經之血。誠哉是言也。竊謂心脾平和。則經候如常。苟七情內傷。六淫外擾。飲食失節。起居失宜。脾胃虧損。心火妄動。則月經不調矣。有先期而至者。有後期而至者。蓋血生於脾土。故曰脾統血。凡血當用甘苦之劑。以助陽氣而生陰血也。蓋先期而至者。有因脾經血燥。宜加味道。遙散。有因脾經鬱滯者。宜歸脾湯。有因肝經怒火者。宜加味小柴胡湯。有因血分有熱者。宜加味四物湯。有因勞役火動者。宜補中益氣湯。過期而至者。有因脾經血虛者。宜人參湯。養營湯。有因肝經血少者。宜六味地黃丸。有因氣虛血弱者。宜八珍湯。又曰。血者水穀之精氣也。和調五藏。洒陳六府。在婦人上為乳汁。下為血海。故雖心主血。肝藏血。亦皆統攝於脾胃。補脾和胃。血自生矣。凡經行禁用苦寒辛散之藥。經閉。東垣曰。經閉不行有三。婦人脾胃久虛。形體羸弱。氣血俱衰。而致經水斷絕。不行。或病中消胃熱。善食漸瘦。津液不生。夫經者。血脉精液所化。津液既絕。為熱燬。

燥肌肉漸瘦。時見燥渴。血海枯竭。名曰血枯經絕。宜瀉胃之燥熱。補益氣血。經自行矣。此病適行而有子。子亦不成。而為胎病者有矣。或心胞絡脉洪數。燥作時見。大便閉澀。小便雖清不利。而經水閉絕不行。此乃血海乾枯。宜調血脉。除胞絡中大邪。而經自行矣。或因勞心。心火上行。月事不來者。胞脉屬於心。而絡於胞中。今氣上逆。腫心氣不得下通。故月事不來。宜安心補血瀉火。經自行矣。

薛立齋曰。經閉者。何夫經水陰血也。屬衝任二脉。主上為乳汁。下為經水。其為患有因脾虛而不能生血者。有因脾鬱傷而血耗損者。有因胃火而血消燦者。有因脾胃損而血少者。有因勞傷心而血少者。有因腎水不能生肝而血少者。有因肺氣虛不能行血而閉者。治療之法。若脾虛而不行者。調而補之。脾鬱而不行者。解而補之。胃火而不行者。清而補之。脾胃損而不行者。調而補之。勞傷心血而血不行者。靜而補之。怒傷肝而不行者。和而補之。肺氣虛而不行。補脾胃。腎虛而不行。補脾肺。經云。損其肺。益其氣。損其心。調其營衛。損其脾。調其飲食。適其寒溫。損其肝。緩其中。損其腎。益其精。審而治之。庶無誤矣。

王宇泰曰。薛氏治血枯大法。以補養真元為主。蓋本易水師弟之間。而廣之方約之曰。婦人經病。有月候不調者。有月候不通者。然不調不通之中。有兼疼痛者。

有兼發熱者。此分而為四。也不調之中。有趨前者。有落後者。則趨前為熱。退後為寒。也不通之中。有血滯者。有血枯者。則血滯者宜破血。枯者宜補也。疼痛之中。有時常作痛者。有經前經後作痛者。則常時與經前作痛為血積。經後為血虛也。發熱之中。有常時發熱者。有經行發熱者。則常時為血虛有積。經行為血虛有熱也。則又分而為八焉。大抵經病。內因憂思忿怒。外因飲冷形寒。忿怒所觸。則鬱結不行。經前產後。飲冷形寒。則惡露不盡。此經候不調不通。作痛發熱之所由也。調氣破血。開鬱補虛。涼血清熱。治之有道也。歟。然氣行血行。氣止血止。故治血病。行氣為先。香附之類是也。熱則流通。寒則凝結。故治血病。以熱藥為佐。肉桂之類是也。

經漏

李東垣曰。經水漏不住有二。婦人脾胃虛損。以致命門脉沉細而數疾。或沉弦而洪。大有力。寸關脉亦然。皆由脾胃有虧。下隘於腎。與相火相合。濕熱下迫。經漏不止。其色紫黑。如夏月腐肉之臭。中有白帶。此脉必弦細。寒作於中。有赤帶者。其脉洪數。病熱明矣。必腰痛。或臍下痛。臨經欲出。而先發寒熱。往來兩脇急縮。兼脾胃證出見。或四肢困倦。心煩悶不得眠卧。心下急宜大補脾胃。而升降氣血。一服而愈。或貴而後賤。或富而後貧。病名脫營者。心氣不足。其火大熾。旺於血脉之中。又或脾胃飲食失

節。火乘其中。形質肌肉顏色似不病者。此心病也。下形於脉。故脾胃飲食不調。其證顯矣。而經水不時而下。或適來適斷。暴下不止。治當以大補氣血之劑。補養脾胃。加鎮墜心火之藥。治其心。補陰瀉陽。經自正矣。痿論云。悲哀太甚。則胞絡絕。胞絡絕。則陽氣內動。發則心下滿。數澀血。故經曰。大經空虛。發則肌痺。傳為脉痺。此之謂也。治宜升陽益胃湯。血脫益氣。古人之法也。先補胃氣。以助生長。故曰。陽生陰長。諸甘藥為之先務。舉世皆以為補氣。殊不知甘能生血。此陽生陰長之理也。

薛立齋曰。血崩經云。陰虛陽搏。謂之崩。又云。陽絡傷。則血外溢。陰絡傷。則血內溢。又云。脾統血。肝藏血。其為患。因脾胃虧損。不能攝血歸原。或因肝經有火。血得熱而下。行。或因肝經有火。血得風而妄行。或因怒動肝火。血熱而沸騰。或因肝經鬱結。血傷而不歸經。或因悲哀太過。胞絡傷而下崩。治療之法。脾胃虛弱者。六君子湯。加當歸。川芎。柴胡。脾胃虛陷者。補中益氣湯。加酒炒白芍。山梔。肝經血熱者。四物加柴胡。山梔。苓朮。肝經風熱者。加味道遙散。或小柴胡湯。加山梔。芍藥。牡丹皮。若怒動肝火。亦用前藥。脾經鬱火者。歸脾湯。加山梔。柴胡。丹皮。哀傷胞絡者。四君子湯。加柴胡。升麻。山梔。故東垣丹溪諸公云。凡下血症。須用四君子以收功。斯言厥有旨哉。若大去血後。母以診脉。當急用獨參湯救之。其發熱咳嗽脉數。乃是元氣假熱虛弱之脉也。尤

當用人參之類。此等症候。無不由脾胃虛損。故脉洪大。察其有胃氣受補。可救。設用寒涼之藥。復傷脾胃。生氣反不能攝血歸原。是速其危矣。

薛立齋醫案

一婦人。內熱作渴。飲食少思。腹內近左。初如雞卵。漸大四寸許。經水三月一至。肢體消瘦。齒頰似瘡。脉洪數而虛。左關弦。此肝脾鬱結之症。外貼阿魏膏。午前用補中益氣湯。午後用加味歸脾湯。兩月許。肝火少退。脾胃土少健。仍與前湯。送六味丸。午後又用逍遙散。送歸脾丸。又月餘。日用蘆薈丸二服。空心以逍遙散下。晡時以歸脾湯下。喜其調理謹慎。年餘而愈。

一婦人。發熱口乾。月經不調。兩腿無力。服祛風滲濕之劑。腿腫體倦。二膝浮腫。經事不通。余作肝脾腎三經血虛火燥症。名鶴膝風。用六味丸。八味丸。兼服兩月。形體漸健。飲食漸進。膝腫漸消。不半載而痊。前症若脾胃虛寒。腿足軟痛。或足膝枯細。用八味丸。若飲食過多。腿足或臀後痠脹。或浮腫脹痛。用補中益氣加茯苓半夏主之。

一婦人。性沉靜。勤於女工。善怒。小腹內結一塊。或作痛。或痞悶。月經不調。恪服伐肝之劑。內熱寒熱。胸膈不利。飲食不甘。形體不瘦。牙齦蝕爛。此脾土不能生肺金。肺

金不能生腎水。腎水不能生肝木。當滋化源。用補中益氣。六味地黃。至仲春而愈。松江何恭人。性善怒。腹聚一塊。年餘。形體骨立。脩熱往來。脘蝕透腮。或疑春木旺。尅土。仍行伐肝。時季冬。脉洪數。按之弦緊。餘脉微弱。余曰。洪數弦緊。肝經真氣發見。而邪氣寔也。自保不及。何能尅土。况面色青中隱白。乃腎水不足。肝木虧損。肺金尅制。維慮至春木不能發生耳。勉用壯脾胃滋腎水之劑。肝脉悉退。後大怒。耳內出血。肝脉仍大。按之如無煩燥作渴。此無根之火。以前藥加肉桂二劑。肝脉仍餘。熱渴頓退。復因大怒。以致飲食不進。果卒於季冬辛巳日。此木衰弱。而金刑尅信夫。

一婦人。經候過期。發熱倦怠。或用四物黃連之類。反兩月一度。且血少而成塊。又用峻藥通之。兩目如帛無蔽。余曰。脾為諸陰之首。目為血脉之宗。此脾傷五藏皆為失所。不能歸於目矣。遂用補中益氣。濟生歸脾二湯。專主脾胃。年餘尋愈。一婦年四十。素性急。先因飲食難化。月經不調。服理氣化痰藥。反肚腹膨脹。大便泄瀉。又加烏藥蓬朮。肚腹腫脹。小便不利。加豬苓澤瀉。痰喘氣促。手足厥冷。頭面肢體腫脹。按之成窟。脉沉細。右寸為甚。余曰。此脾肺氣之虛寒。不能通調水道。下輸膀胱。滲泄之令不行。生化之氣不運。即東垣所云。水飲留積。若土之在雨中。則為

泥矣。得和風暖日。水濕去而陽化。自然萬物生長。喜其脉相應。遂與金匱加減腎氣丸料服之。小便即通。數劑腫脹消半。四肢漸溫。自能轉側。又與六君子加木香肉桂炮姜治之。全愈。後不戒飲食七情。即洩瀉。仍用前藥。加附子五分而安。

一婦人素有頭暈。不時而作。月經遲而少。余以為中氣虛不能上升。而頭暈不能平化。而經少用補中益氣湯。而愈。後因勞而作。月經如涌。此勞傷火動。用前湯加五味子。一劑即愈。前症雖云亡血過多。氣無所附。寔因脾氣虧損。

西賓錢思曾之室。年三十。尚無嗣。月經淋漓無期。夫婦異處者幾年矣。思曾欲為娶妻以謀余。余曰。此鬱怒傷肝。脾虛火動。而血不歸經。乃肝不能藏。脾不能攝也。當清肝火。補脾氣。遂與加味歸脾逍遙二藥。四劑遂至其家。仍告其姑曰。服此病即愈。當受胎。妻可無憂也。次年果生子。

一婦人多怒。經行或數日。或半月後止。三年後。淋漓無期。肌體倦瘦。口乾內熱。盜汗如洗。日晡熱甚。予用參朮芪歸。茯神。遠志。棗仁。麥冬。五味。丹皮。龍眼肉。炙甘草。柴胡。升麻。治之。獲痊。此症先有怒動肝火。血熱妄行。後乃脾氣下陷。不能攝血歸原。故用前藥。若胃熱亡津液。而經不行。宜清胃。若心火亢甚者。宜清心。若服燥藥過多者。宜養血。若病久氣血衰。宜健脾胃。

一婦人善怒。產後唇腫。內熱。月水不調。食少作嘔。大便不寔。唇出血水。用理氣消導。胸膈痞滿。頭目不清。唇腫經閉。用清胃行血。肢體倦怠。發熱煩燥。涎水湧出。欲用通經之劑。余曰。病本七情。肝脾虛損。數行攻伐。元氣益虛。故耳。法當補陰益陽。遂以加味歸脾湯。加味道遙散。補中益氣湯。如法調治。元氣漸復。唇瘡亦愈。後因怒寒熱耳痛。胸脇脹悶。唇掀腫甚。此是怒動肝火。而血傷。遂用四物合小柴胡。加山梔。頓愈。後又怒。脇乳作脹。肚腹作痛。嘔吐酸涎。飲食不食。小溲不利。此是怒動肝木。尅脾土。乃用補脾氣。養脾血。而愈。又因勞役。怒氣飲食失節。發熱喘渴。體倦不食。去血如崩。唇腫熾甚。肝經有火。脾經氣虛。遂用補中益氣。加炒山梔。芍藥。丹皮。而愈。此症每見。但治其瘡。不固其本。死者多矣。

一婦人年六十四歲。久鬱怒。頭痛寒熱。春間。胸乳內時痛。服流氣飲之類。益甚。不時有血如經行。又大驚恐。飲食不進。夜寐不寧。乳腫及兩脇。焮腫如炙。午後色赤。予以為肝脾鬱火血燥。先以逍遙散。加酒炒龍胆一錢。山梔五分。二劑頓退。又二劑而全消。再用歸脾。加炒梔。貝母。諸症悉退。

一婦人因怒血崩。久不已。面青黃。而或赤。此肝木尅脾土。而血虛也。用小柴胡合四物。以清肝火。生肝血。又用歸脾。補中。二湯。益脾氣。以生肝血。而瘥。若因肝經有風。

熱而血不寧者。用防風一味為丸。以兼症之藥煎送。或肝經火動而不寧者。用條芩炒為丸。以兼症之藥煎送。神效。

一婦人。性急每怒。非太陽耳項。喉齒胸乳作痛。則胸滿吞酸。吐瀉少食。經行不止。此皆肝火之症。肝自病則外症見。土受尅則內病作。若自病見用四物。加白朮。茯苓。炒山梔。炒龍胆。若內症作。用四君子。加柴胡。芍藥。神麴。吳茱萸。炒黃連。諸症漸愈。維月經不止。是血分有熱。脾氣尚虛。以逍遙散。倍用白朮。茯苓。陳皮。又以補中益氣。加酒炒芍藥。兼服而調。

歸大化內人。患月事不期。崩血昏憤。發熱不寐。或謂血熱妄行。投以寒劑。益甚。或以胎成受傷。投以止血。亦不效。余曰。此脾氣虛弱。無以統攝故耳。法當補脾而血自止。用補中益氣湯。加炮姜。木香。四劑而驗。惟終夜少睡驚悸。其家另服八珍湯。更不效。余曰。難矣。乃與歸脾湯。加炮姜。以補心腎。如初。

一婦人。素有胃火。服清胃散而安。後因勞役。燥渴內熱。肌肉消瘦。月經不行。此胃火消燬陰血。用逍遙散。加丹皮。炒山梔。以清胃熱。用八珍湯。加茯苓。遠志。以養脾血。而經自行。

一婦人。因勞耳鳴。頭痛體倦。此元氣不足。用補中益氣。加麥冬。五味。而痊。三年後得

子因飲食勞倦前症益甚。月經不行。晡熱內熱。自汗盜汗。用六味地黃丸。補中益氣湯。頓愈。前症若因血虛有火。用四物湯。加山梔柴胡。不應。八珍湯。加煎前藥。若氣虛弱。用四君子。若怒耳便聾。或鳴者寔也。小柴胡加芩歸。山梔。虛用補中益氣。加山梔。若午前甚。作火治。用小柴胡。加炒連炒梔。氣虛用補中益氣。午後作血虛。用四物。加白茯苓。白朮。若陰虛火動。或兼痰甚。作渴。必用地黃丸。以壯水之主。經云。頭痛耳鳴。九竅不利。腸胃之以生也。腎胃一虛。耳目九竅皆為之病。治法綱曰。內經有血枯一症。與血隔相似。皆經閉不通之候。然而枯與隔則相反。有如水炭。夫枯者。枯竭之謂。隔者。阻隔之謂。血本不虛。而或氣或寒或積。有所逆病發於暫。其症則或痛或寔。必通之以血行而愈。此可攻者也。枯者其來有漸。脾胃氣之衝任內竭。其症無形。此必不可通者也。夫血既枯矣。只當補養陰氣。使其血充。若勉強通之。則枯而愈枯。不危何待耶。

錄良方藥禁

一通經丸。若脾胃無虧。暴怒氣逆。或生冷所傷。陰血凝滯。月經不通者。宜暫用之。若脾胃虛弱。不能生血者。宜用六君子。當歸。若因脾胃鬱火。內耗其血者。宜用歸脾湯。若因肝脾鬱怒。氣血傷。而月經不通者。宜用加味歸脾湯。若因肝脾虛熱。血傷。而月

經不通者宜用加味道遙散

一父附丸。若脾胃虛寒。陰血不足。氣逆發熱。月經不調。或胎氣不成者。暫宜用之。若肝腎虧損。陰虛發熱。月經不調。或赤白帶下。或便血吐血。小便淋瀝。或補熱內熱。寒熱往來。或盜汗自汗。不時發熱。宜用六味地黃丸。若兼脾氣不足。飲食少思者。佐以六君子湯。

一四物湯。若脾經血燥發熱。或月經不調。宜暫用之。若因脾經虛熱。肝經熱火所致。宜用四君子。佐以加味道遙散。若因脾經氣虛。血弱。兼補熱內熱。宜用八珍湯。加柴胡牡丹皮。若因元氣下陷。而致諸症。宜用補中益氣湯。

一人參橘皮湯。若胎前氣痞。痰滯作嘔。不食者。宜暫用之。若脾胃氣虛。胸膈痞脹。痰停作嘔。飲食少思者。宜用半夏茯苓湯。若因怒動肝火。尅制脾土。而致前症者。宜用六君子。加柴胡。山梔。枳殼。脾胃虛寒者。宜用六君子。加木香。砂仁。半夏。治脾胃虛寒。諸症。尤當用之。

一紫蘇順氣飲。若胎動不安。元氣無虧者。宜暫用之。若因脾氣虛弱者。宜用六君子。加紫蘇。枳殼。鬱結傷脾者。宜用六君子。加柴胡。山梔。蘇梗。鬱怒傷肝脾者。宜用六君子。加柴胡。黃芩。枳殼。

一四物膠艾湯。若內熱胎痛。下血不止者。宜暫用之。若因肝經風熱。而下血者。宜用防風黃芩丸。若因肝火血熱。宜用加味逍遙散。若因脾經鬱火。宜用加味歸脾湯。若因脾氣虛陷。宜用補中益氣。倍加升柴。若因事下血。宜用八珍湯加膠艾。
一黃芩白朮二味。為安胎之藥。若脾胃蘊熱。中氣無虧者。暫宜用之。凡屬脾胃虛弱。飲食少思。或泄瀉。或嘔吐。面色痿黃。肢體倦怠者。宜用六君子湯。

一達生散。若厚味安逸者。宜用。若芻蕘勞役者。不宜用。

一小續命湯。若外中風邪。腰背反張。筋脉痠痠者。宜暫用之。若產後失血過多。陽火熾盛。虛熱生風者。宜用八珍湯加鈎藤丹皮。如不應。當用四君子湯加當歸丹皮鈎藤。若陽氣脫陷者。宜用補中益氣湯。如不應。加附子。氣血虛敗者。宜用十全大補湯。如不應。急加附子。亦有生者。

一澤蘭湯。若產後惡露腹痛。胸滿少氣者。宜用之。若體倦面黃。食少寐而惡露不止。宜用加味歸脾湯。若氣血虛損。而惡露上攻。先用失笑散。後用八珍湯。禁用黑神散。奪命丹之類。

一產後口鼻起黑氣。鼻衄者。是胃氣虛敗而血滯也。急用二味參蘇飲。多有生者。

赤白帶症

張子和曰。帶脉起少腹側。李脇之端。環身之周。如束帶之於身。與衝督任三脉同起而異行。一原而三歧。皆絡帶脉。衝督任三脉皆統於篡戶。巡陰器。衝督任三脉以帶脉束之。因餘經上下往來。遺熱於帶脉之間。熱者血也。血積多日不流。火則從金之化。金則從革而為白。乘少腹間。寬熱白物。滿溢隨波而下。綿綿不絕。多不痛也。或有痛者。則壅礙因壅而成痛也。內經少腹寬熱。洩出白液。寬者屈滯也。病非本經為他經寬抑而成此疾也。

朱丹溪曰。帶下。赤屬血。白屬氣。主治濕痰為先。漏與帶俱是胃中痰積流下。滲入膀胱。無人知此。只宜升提。甚者上必用吐法。以提其氣。下用二陳湯。加蒼白朮。仍用丸。子。又云。赤白帶下。皆屬血出於大小腸之間。肥人多是濕痰。用海石。半夏。蒼柏。川芎。椿皮。青黛。瘦人白帶少。多是熱。以炒柏。滑石。椿皮。川芎。海石。蛤粉。羅先生法。或十棗湯。或神佑丸。或玉蠟散。皆可服。但寔者可行。虛者不可。峻攻血虛者。加減四物。陽氣虛者。參朮。陳皮。間與之濕勝。用固腸丸。相火動者。於諸藥中少加黃柏。滑者。加龍骨。赤石脂。滯者。加葵花。性躁者。加黃連。痰氣帶下者。蒼朮。香附。滑石。蛤粉。半夏。茯苓丸。服寒月少加乾姜。臨機應變。必須斷厚味。

薛立齋曰。赤白帶下。徐用誠曰。前症白屬氣。而赤屬血。東垣云。血崩久則亡陽。故白

濁之物下流。未必全拘於帶脉。亦有濕痰流注下焦。或腎肝陰淫之濕勝。或因驚恐而木乘土位。濁液下流。或思慕為筋痿。戴人以六脉為滑大而有力量。用宣導之法。此瀉其寔也。東垣以脉微細沉緊。或洪大而虛。用補陽調經。乃兼責其虛也。丹溪用海石、南星、椿根皮之類。乃治其濕痰也。竊謂全症皆當壯脾胃。升陽氣為主。佐以各經見症之藥。色青屬肝。用柴胡。如山梔、防風。濕痰壅滯。小便赤澀。用龍胆瀉肝湯。肝血不足。或燥熱風熱。用六味丸。色赤者屬心。用小柴胡。加黃連、山梔、當歸。思慮過傷。用妙香散等藥。色白者屬肺。用補中益氣。加山梔。色黃者屬脾。用六君子湯。加山藥、柴胡。不應。用歸脾湯。色黑者屬腎。用六味丸。氣血俱虛。八珍湯。陽氣下陷。補中益氣湯。濕痰下注。前湯加茯苓、半夏、蒼朮、黃柏。氣虛痰飲下注。四七湯。送六味丸。不可拘。肥人多痰。瘦人多火。而以燥濕瀉火之藥輕治之也。

薛立齋醫案

一孀婦。腹脹脇痛。內熱晡熱。月經不調。肢體痠麻。不時吐痰。或用清氣化痰。喉間不利。帶下青黃。腹脇膨脹。用行氣之劑。胸膈不利。肢體時麻。此鬱怒傷損肝脾。前藥益甚也。朝用歸脾湯。以解脾鬱。生脾氣。夕用加味道遙散。以生肝血。清肝火。兼服百劑而安。

一婦人瘧久。兼之帶下。發後口乾倦甚。余用七味白朮散加麥冬五味作大劑煎與。恣飲再發稍可。乃用補中益氣加茯苓半夏十餘劑而安。

一婦人吞酸胸滿。食少便洩。月經不調。服化製清氣化痰丸。兩膝漸腫。寒熱往來。帶下黃白。面黃體倦。余以為脾胃虛濕熱下注。用補中益氣倍用參朮加茯苓半夏炮姜而愈。若因怒發熱少食。或兩腿赤腫。或脂縫常濕。用六君子加柴胡升麻及補中益氣湯。

一婦人年踰六十。帶下黃白。因怒胸脇不利。飲食少思。服消導利氣之藥。反嘔喘胸滿。大便下血。余曰。此脾虛虧損。不能攝血歸原也。用補中益氣湯加茯苓半夏炮姜四劑。諸症頓愈。又用八珍湯加柴胡山梔而安。

血分水分腫滿法

薛立齋曰。血分水分腫滿二症。或因飲食起居失養。或因六淫七情失宜。以致脾胃虧損。不能生發。統攝氣血。乖違行失常道。若先因經水斷絕。後至四肢浮腫。小便不通。血化為水。名曰血分。宜用葶藶丸治之。此屬形氣不足。邪淫隧道。必用此藥。以宣導其邪。而佐以輔元氣。庶使藥力有所仗而行。則邪自不能容。而真氣亦不至復傷矣。

